

MARINA SAHABUDIN (marina@sinarharian.com.my)

KAMPUS



Pemudah urusan penuntut

STUDENT AKTIVIS

Meremang jawatan sebagai Exco kebaikan, keselamatan dan kesihatan majlis perwakilan pelajar (MPP) Universiti Sultan Zainal Abidin (Unisza) bukannya mudah.

Pelbagai cabaran terpaka terhadapi khususnya ketika berhadapan permasalahan di antara mahasiswa dan pihak universiti.

Bagi Mohd Zainul Ariffin Zolkifeli, dilantik sebagai salah seorang Exco MPP Unisza sesi 2015/2016, merupakan tanggungjawab besar sepanjang bergelar mahasiswa di institusi pengajian tinggi itu.

Menurut anak muda berusia 23 tahun ini, secara keseluruhan tugasnya adalah mengambil maklum apa-apa sahaja isu kebaikan mahasiswa di dalam atau di luar kampus dan melaporkan kepada pihak pengurusan.

"Pendek kata, semua isu mahasiswa adalah di bawah skop tugas Exco kebaikan. Tugas sebagai seorang MPP ialah pemudah urusan

antara pihak universiti kepada mahasiswa dan mahasiswa kepada pihak universiti," katanya.

Penuntut jurusan ijazah sarjana muda sains sosial antropologi dakwah ini memberitahu, apa yang menjadi keutamaan adalah perjuangannya bersama Kabinet MPP Unisza untuk kebaikan mahasiswa lain yang merupakan rakan-rakan universiti mereka sendiri.

"Saya bersama seluruh Kabinet MPP Unisza sentiasa mengambil berat keperluan semasa mahasiswa dan cuba memanjangkan setiap keperluan mereka kepada pihak pengurusan universiti.

"Namun, kita sedia maklum bahawa sesuatu perkara sudah pasti ada kekangan tertentu sehingga menyebabkan bukan semua permintaan dapat disediakan sebagaimana yang diminta.

"Bagaimanapun, selagi termasuk, saya dan barisan Exco yang lain akan membuat yang terbaik dalam mencapai misi dan visi kami sebagai Exco MPP Unisza," katanya.

Memegang portfolio Exco kebaikan, sudah tentu matlamat utama Zainul adalah memastikan kebaikan setiap mahasiswa Unisza sentiasa terbelia.

"Ini penting supaya mereka dapat menumpukan sepenuh perhatian dalam pengajaran tanpa ada gangguan masalah-

masalah lain," katanya.

Berkongsi pengalamannya sebagai Exco di Unisza, kata Zainol, banyak pengalaman manis yang dimilikinya.

"Antara pengalaman manis tersebut, saya berpeluang menyertai program yang berskala besar di peringkat universiti dan kebangsaan. Saya juga dapat berkenalan dan berhubung dengan ramai orang termasuk pemimpin-pemimpin negara.

"Tetapi, di sebalik kemanisan, pasti ada pahitnya. Antaranya apabila teman-teman rapat saya tidak begitu memahami situasi dan kekangan yang saya terpaksa hadapi ketika memegang jawatan ini," katanya.

SEDAH DIKRITIK

Dalam konteks bergelar seorang pemimpin yang berkualiti, jelas Zainul, dia sentiasa berfikir terbuka ketika berhadapan sebuah isu atau masalah.

"Sebagai pemimpin saya perlu bersedia menerima sebarang kritikan yang diluahkan oleh sesiapa pun dan saya perlu memberi respons secara profesional tentang kritikan itu.

"Jika kesalahan itu datang daripada diri saya sendiri, saya akan memohon maaf dan cuba untuk memperbaikinya. Walauapun bergelar pemimpin, tidak semestinya tindakan yang kita lakukan selalunya betul.

"Selain itu, sebagai seorang pemimpin juga segala perbuatan kita akan selalu diperhitungkan. Justeru, sikap profesional itu perlu sentiasa saya terapkan walau dalam keadaan letih, tekanan, kesibukan dan sebagainya," katanya.

Akuinya, meskipun memegang jawatan Exco MPP namun dia tidak mempunyai sebarang kuasa untuk bertindak sesuka hati.

"Sebagai ahli majlis perwakilan pelajar, saya tidak ada kuasa bertindak sembarangan atau memberi arahan tanpa kelulusan pihak pengurusan.

Justeru, apa yang saya boleh lakukan ialah melaporkan sesuatu isu kepada pihak pengurusan dan memohon supaya tindakan secepatnya diambil untuk menyelesaikan sesuatu isu tersebut," katanya.

Mengenai cabarannya sebagai Exco kebaikan pula, katanya, dia perlu sentiasa bersedia 24 jam tidak kira siang atau malam dan juga waktu cuti untuk menerima aduan daripada mahasiswa.

"Saya perlu bertindak atau memberi respons secepat mungkin. Hal ini kerana kebiasaanaya aduan yang saya terima melibatkan kes-kes kecemasan seperti mahasiswa sakit di tengah malam dan tiada kenderaan untuk ke hospital, mahasiswa terbabit dengan kemalangan sama ada di dalam atau luar kampus dan sebagainya," katanya.

DAPAT SOKONGAN KELUARGA

Menjadi kebiasaan bagi mana-mana pemimpin, tidak kira di peringkat universiti ataupun lebih tinggi, masa menjadi isu paling besar dalam kehidupan mereka.

Beigitu juga bagi Zainul, ujarnya, bukan mudah untuk membahagikan masa sebagai pemimpin dan pelajar.

"Saya terpaksa mengambil kira masa untuk pelajaran, keluarga, rakan-rakan dengan komitmen kerja yang telah diamanahkan di atas bahu saya.

"Namun apa yang saya lakukan ialah jika terdapat sedikit ruang, saya akan pulang ke rumah untuk bersama keluarga walaupun kadang-kadang tiada langsung masa untuk saya berehat. Tetapi saya sangat bersyukur kerana dikurniakan keluarga yang memahami dan banyak menyokong sehingga saya berada



INFO

(mahasiswa ipa/ipts ingin mengetahui mengenai kepimpinan anda, email kepada marina@sinarharian.com.my.)